



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Apotheca Spiritualem Pharmacorum Contra Lvem Contagiosam Aliosque Morbos**

**Wichmans, Augustin**

**Antverpiae, 1626**

Cap. LIX. De S. Guidone Bubulco in Brabantia.

**urn:nbn:de:hbz:466:1-9653**

## CAP. LIX.

*De sancto Guidone bubulco in Brabantia.*

**G**Vido Belga noster, ideoque præ reliquis à nobis in-  
 uocandus, in pago Brabantensi tugurio rusticano  
 & paupere domo natus, oculis parentum furabatur  
 in primæua ætate certas horas quibus Ecclesiam oraturus  
 adiret. nec hilarem illum vlla dies videbat nisi prius aut  
 orasset aut eleëmofynam protulisset. Ecclesiæ B. Mariæ in  
 Laken (pagus hic est medio lapide Bruxella distans Eccle-  
 siam habens cœlesti filo prodigiosè ab ipsa Deipara desi-  
 gnatam in ædificationem) multis annis seruiuit, velut alter  
 Nepotianus eam floribus & ramis exornans, omnia in ni-  
 tore conseruans, decorem domus Dei sedulo diligens, atque  
 in omnes Ecclesiasticas cœremonias piè sollicitus. Postmo-  
 dum per 7. annos Romam ad Apostolorum limina, Iero-  
 solymam & ad alia sanctorum loca religiosè peregrinatus  
 est, vnde tandem Anderlacum (vulgò *Anderlecht* & tan-  
 tumdem ab altero latere Bruxella distat) reuersus, peste in-  
 guinariâ sæculi ærumnas consummauit, sepultus in cœme-  
 terio anno 1012. Sed Deo Sanctum suum per crebra mira-  
 cula glorificante, Gerardus Episcopus Cameracensis eum  
 eleuauit in natiuitate S. Ioannis Baptistæ, & ex conflu-  
 entium oblationibus noua Basilica super eius tumulum sum-  
 ptuosè est ædificata, in qua Canonorum celebre colle-  
 gium à Domino Gaesbecano dotatum & institutum est.

Pingitur vt opilio, bubulcus & arator. habet enim in  
 manu pedū, ad pedes, oues, boues & instrumentū triangulū  
 ligneis dentibus distinctū quo semina aruo iniecta obruun-  
 tur, quod quidā dentale, alij pectinē, alij occam & rastrum,

M m

Belgæ

Sarius to.  
 s. & Mol.  
 in nar. SS.  
 Belg. 12.  
 Sept.

Hier. ad  
 Heliod.  
 epist. 28.

Hist. Eccles.  
an. 1118.

Belgæ *een egge*, vocant. Lakenfis Ecclesia ad aquæ ductum Bruxellenfem, vulgò, *de Vaert*, addit ei in manibus clauis Ecclesiæ fuæ, eò quòd in ea custos velut alter Neopotianus feruierit. Notabile est quod ex Chronicis Brabantia de eius sepulcro refert noster Dion. Mudzaert, nempe cùm Onulphus Anderlehti Dominus visis mirabilibus signis quæ circa illud diuinitus quotidie fiebant, in mandatis dedisset duobus è suis subditis vt locum sepulturæ eius sepe aliquâ à bestiarum incurfu concluderent, illi illuloricè ad se inuicem dicentes; Concludamus hunc senem nuper defunctum intra hanc sepem ne à nobis procul aufugiat; diuina puniti dextra vires corporis amittentes, alter maximis in tormentis sequenti nocte, alter totus furibundus & phreneticus postridie obiit, confessus in pœnam ludibrii sancto viro irrogati se à Deo puniri. Plura qui desiderat de miraculis eius, glorioso obitu, alijsque, videat apud iam dictum Mudzaert, vbi & subiicit beatam mortem ac alia miracula S. Wonodolphi olim Decani Anderlacensis quo cum S. Guido iugiter peregrinatus est, comitem peregrinationis in terris, & nunc verò æternæ quietis in cœlis nactus.

## C A P. LX.

*De B. Bernardo Senensi.*

**S**Vprà dedi S. Bernardinum Senensem Ordinis Minorum alumnum, nunc ex eadem patria Bernardum profero Ordinis montis Oliueti conditorem. Ioannis nomen ex Sacro fonte acceperat, natus Senis ex nobilissima Ptolemæa familia. Iurisprudentiam factus Doctor, *summa*